

Tüfethal

musik/text: t. garcia

de andi het scho emmer gseit
ergendeinisch hau er ab vo do
scho vor johre het er d'sache packt
dass er, wenn de d'ziit chonnt, grad cha goh

wohnt osserhalb be tüfethal
er esch niene lang, doch überall
ond was er seit, klingt wie-n-en predigt
wenn er uusteilt besch erledigt

jede kennt de andi
uf ihn chasch di verloo
jede weiss, er wetti
doch er werd nie goh

de andi traut ned mängem do
well vertraue esch sis verhängnis
sini freiheit esch em heilig
si esch d'insle ond sis gfängnis
het en näbejob be de landi
er het stiefel wie de crocodile dundee
het en plan zom glöck, doch de esch gheim
em tüfethal esch er diheim

jede kennt de andi
uf ihn chasch di verloo
kafi mit zwoi zucker
ziitig überflüge ond denn goh
läuft am «meier-reise» verbii

ersch am bushalt bliibt er stoh
jede weiss, er wetti
doch er werd nie goh

de andi het scho emmer gseit
ergendeinisch hau er ab vo do

jede kennt de andi
uf ihn chasch di verloo
kafi mit zwoi zucker
eini rauche ond denn goh

läuft am «meier-reise» verbii
ersch am bushalt bliibt er stoh
jede weiss, er wetti
doch er werd nie goh
er bliibt eifach stoh